



QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 1. Ianuarij.

M. LVDOVICO MORIN, Doctore Medico, Præfide.

An Nature Morborum Medica?

I.
NATVRA quæ hoc in universo suas magnificè expandit opes, nunquam magis mirabilis videtur, quàm in humano fabricando corpore, quod ut omnium quæ producit compendium pro suâ liberalitate ac potentiâ multiplici facultatum supellectile, ut omne actionum genus exerceret, instruxit, adornavit. Inde homo plus solus agit quàm cætera animalia, vivit, spirat, sentit, appetit, movetur, quod plantis & brutis commune: sed quod majus est, cogitat, ratiocinatur, judicat, meminit, quæ sunt mentis dona, quæque divinam omnino designant originem. Hac in dignitate semel constitutus, semper staret possessor integer, nisi humorum qui totum corpus alunt, foveant, lambunt, perturbatione quandoque percelleretur tam nobilis machina, & tandem longè minori artificio quàm cùm constructa est destrueretur. Enimverò humores amici quandiu debitis ex æquo administrantur & uniuntur qualitatibus, ut & insensibilissimi ubi impetuosius feruntur, ubi salledine, amarore, acredine plus quàm par est violantur & armantur. At adversus noxas ab hu-

moribus vel etiam aliunde importatas sæpè sola valet natura cuique corpori peculiaris, quæque aliud nihil est æstimanda, quàm harmonia & concentus motus & quietis ab ipso corde ut à pendulo maximè pendens.

I I.

H V M O R V M motus certà quãdam definiuntur periodo, à quã dies critici suam bonitatem aut malitiam obtinent. Ad regulas naturæ, hoc est, prout convenit corpori, motus se habens, ab omni labetuetur ipsum in quo regitur corpus, ut vindex & assertor primùm positæ sanitatis, neimpè quidquid humoribus convolvitur ipsis non accommodum, quidquid vitij parti cuilibet inuritur, supremo humorum motu ut omnium moderatore, dissipatur, evanescit, retunditur, non secus ac aquæ rivus, aut aquarum summa potentia quidquid sibi innatat alterius indolis, ut paleas, festucas, ligna, trabes, ad margines amandat. Iam quoniam omnium liquidorum peculiaria sunt officia, & suis unicuique motus à densitate & tenuitate promanans, in bile velocior, in succo melancholico lentior, in pituità lentissimus, moderatus in sanguine: Ex tantà motuum varietate, unus enascitur omnibus aliis proportionatus; cùmque sursum & deorsum feruntur, si quid vitij contraxerint, quilibet suo redditur loco, meatibus aditum aperientibus, recludentibus exitum. Quæ secretio, ut & aliæ functiones, ab intimâ partium structurâ expectanda solum est, adjurante sanguinis specie. Humor scilicet commotæ & agitatæ particule diriguntur à viarum quas subeunt anfractibus, necnon aëreâ illa cerebri substantiâ, quæ à summo in nervos convolat, licet impetu propriæ indoli planè contrario. Horum omnium tam arcta societas est, ut in mutuam semper vigeant conservationem, & ita à se mutuò pendent, vix ut alterum absque altero stare queat.

I I I.

H I S tot & tantis commodis quandiù gubernatum corpus floret, tandiù incorruptâ fruitur sanitate. Verùm illa offenditur multis undiquaque incurrentium morborum insultibus, in quos minima humorum injuria, partium malâ affectione, vel etiam spirituum errore necessariò labitur. Vitiola materia, suis legibus violatis, quasi subortâ seditione, modò in partem se se expandit, ibique stabulatur, modò vitæ arcem turbulentè impetit, quam vario agitat succussu pro diverso humorum genio, à quo omne febrium genus enascitur. Febrilis fomes in corde accensus omnium ruinam machinatur, flammæ quocunque fert, & nimio motu liquat pinguiâ, carnes consumit, & fibras carniarum fundamenta dirumpit; unde non solius cordis, sed & totius corporis hic morbus est dicendus. At quas strages non edit in parte reconditus contra propriam sortem humor? Certè ubi per propria vasa non vehitur, stationem suam alio compensat motu. Namque quiescendo pro indole solet lædere; in mammis & utero carcinomata pertinaciores affectus progengerat, in glandulis choiradas, in articulis topfos, gulæ & veneri deditorum in senectute

grande supplicium. Quandoque humor stagnans completè putridus, & partem ipsam inficit, & remotiores tetrà & subtili anathymiafi, quod omnium est malorum gravissimum, in tanti infortunij consortij trahit. Cùm spiritus sine regulâ feruntur, ut ventus arbores eradicans, succum & convellit. Licet hic motus consumptâ causâ statim evanescat, aliàs perseveraturus, si à viâ labefactatâ, quod in tremore contingit, ortum haberet. Denique quot modis miscentur humores, tot morborum formas efficiunt; adeò multiplex morbus pro unâ sanitate.

I V.

IN his rerum angustiis fatigata & oppressâ natura, licet omnium causâ, brevi succumberet, nisi tanto onere aliquantulum levaretur. Quid ergo agit Medicus venæ sectione & splendido remediorum apparatu? In auxilium laborantis venit. Illa quasi novis viribus acquisitis alacrius ad obicem expellendum assurgit, motuum errores, spirituum aberrationes, humorum vitia, quantâ potest vi emendat, restituit, refarcit. Hæc quæ tota motus est, omnia ad motum revocat, quæ sopita, lenta, pigra, concitata, quæ vehementiora retinet, crassa & densa liquat, liquidiora & fluidiora constringit, clausa referat, aperta occludit, uno verbo, si modò juvetur, rem totam ad pristinum reducet statum, & quæ damna agitante morbo perpeffa est, majori lucro reparabit. Hinc Medicus naturæ administrator, non artifex, quâ parte illi sit injuria & attendit & occurrit. Nam larga sanguinis missione materiæ offendentis molem *περὶ πλεονεξίας* imminuit, ut illa adversùs minorem noxam potentior evadat; cathartici quoque onus quo premitur foras extrahitur. At cathartici vis nulla, nisi calore suscitetur ad officium, illud ab universo corpore accersit peccantes & viciosos humores, nec est necesse ut ad intimas penetret cavitates: quidquid enim est in corpore, si modò fluat, ad exitum tendit, cùm ejus aliqua pars secernitur, quo sanè modo venæ sectio ab omnibus evocat partibus. Hoc *ὑπερμαχρὸν* remedio pro scopo multoties celebrato, plus natura valet, & amissum purpureum liquorem sensim restaurat propriis instrumentis; sola namque suas viarum ambages novit, quamvis *ἀνίσταται*, & debitam liquoribus temperiem. Nec speres sanguinis inopiam aut partium offensiones, sanguinis ab animali in venas transfusione corrigi & retardari: Crudele remedium à quo multa proveniunt incommoda: quomodo enim id partibus accommodati potest, quod non partium *τύπος* sit apparatus? Temere laboras in contrahendis naturæ operibus.

V.

IVRE itaque natura omnium princeps, omnium moderatrix & omnium victrix habenda est. Ab hac Medicus, si sapienter & pro dignitate agat, omnes suas leges nanciscitur. Nihil priùs movet quàm illam ad motum proclivem observavit, quàm illa superante calore vim morbi freget, quàm sui conatus manifesta dederit signa. Hanc sequitur euntem, non prætervolat: quid illa expostulat concedit. Quæ tamen sponte fieri animadvertit, ea arte assequi conatur, nec ullus in consilio error, & opus

adimplet, si modò illud cum naturâ⁴ inchoat, illa secûs repugnax, ferox, effera. Sæpe non expectatâ remedium ope in sui vindictâ luculentiori motu prorumpit, cum urinis, sudoribus, aut illicò majori subortâ hæmorrhagiâ aut diarrhæâ, amandat quod sibi nocet, hisque magnis salutaribus exercendis operibus certos sibi destinat dies. Nunquam illa majori pompâ suam exerit potentiam, quàm in morbis acutis: humorum ferocientium indolem mitigat, refrenat impetum, cavitates amico & ad obsequium facili replet spiritu, fugato mendaci; his modis fluentem humorem cohibet, incuneatum concoquit & resolvit, & ab iis incommodis quibus summum periculum, citò & intra breve tempus se se expedit. Quinetiam, quod non satis mirere, sordidè hiantia ulcerum ora concludit, sædas contusiones delet, ferro inflicta vulnera constringit; & si quid deest pro magnificentie penu iterum generat. Iuvetur illa quantum volueris, an mindus illius vigori debetur victoria, quæ sola sæpius sospitalis est? Quodcunque obtuleris auxilium, nisi ex primæ morticis imperio, error est & noxa irreparabilis, satiùsque est hanc sibi dimittere, quàm intempestivè irritare; primum salutis momentum à naturâ, & non rarò desperatis rebus, dum victa creditur, vincit.

Ergo Naturæ Morborum Medica.

DOMINI DOCTORES DISPUTATURI.

<i>M. Ludovicus Gallais.</i>	<i>M. Petrus le Large, Primarius Lusitanorum Regina Med.</i>	<i>M. Stephanus le Gaigneur.</i>
<i>M. Franciscus Gouël.</i>	<i>M. Anton. Ioan. Morand.</i>	<i>M. Petrus Bourdelot, Primarius Regina Suecorum Medicus.</i>
<i>M. Petrus Crescé.</i>	<i>M. Michæil Denyan.</i>	<i>M. Carolus le Briton.</i>

Proponebat Lutetiæ GUILLELMVS PETIT,
Constantiensis, A. R. S. H. M. DC. LXVIII.

PARISIIS,

Ex Typographia FRANCISCI MUGUET, Regis ac Illust.
Archiepiscopi Paris. Typographi.